

78  
14. okt.

## AUGLÝSING

um fullgildingu á stofnskrá Alþjóðakjarnorkumálastofnunarinnar.

Hinn 31. maí 1957 samþykkti Alþingi þingsályktun um að veita ríkisstjórninni heimild til þess fyrir Íslands hönd að fullgilda stofnskrá Alþjóðakjarnorkumálastofnunarinnar, sem samþykkt var hinn 26. október 1956 á alþjóðafundi í bæki-stöðvum Sameinuðu þjóðanna í New York.

Fullgildingarskjal Íslands var afhent ríkisstjórn Bandaríkja Ameríku hinn 6. ágúst 1957.

Þetta er hér með gert almenningi kunnugt.

*Utanríkisráðuneytið, 14. október 1957.*

**Guðm. Í. Guðmundsson.**

*Henrik Sv. Björnsson.*

79  
14. okt.

## AUGLÝSING

um að forseti Íslands sé kominn heim og tekinn við stjórnarstörfum.

Forseti Íslands, herra Ásgeir Ásgeirsson, kom í dag úr för sinni til útlanda og hefur á ný tekið við stjórnarstörfum.

*Í forsætisráðuneytinu, 14. október 1957.*

**Hermann Jónasson.**

*Birgir Thorlacius.*

80  
7. nóv.

## L Ö G

um skattfrelsi vinninga í símahappdrætti Styrktarfélags lamaðra og fatlaðra 1957.

### FORSETI ÍSLANDS

*gjörir kunnugt:* Alþingi hefur fallið á lög þessi og ég staðfest þau með samþykki mínu:

1. gr.

Vinningar í símahappdrætti því, sem Styrktarfélag lamaðra og fatlaðra hefur efnt til á árinu 1957, skulu undanþegnir hvers konar opinberum gjöldum, nema eignarskatti.

2. gr.

Lög þessi öðlast þegar gildi.

*Gjört í Reykjavík, 7. nóvember 1957.*

**Ásgeir Ásgeirsson.**

(L. S.)

*Eysteinn Jónsson.*